



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 95-сса шин.

12+

«ЗАРЯ»

Нюжмар

8 май

2018 ш.

№ 22

gazetazary@mail.ru

Сайт: zaria-online.ru

Лак - душманная Ватан дуручлай

1941 шинал июндадул 22ний, Хьундявви байбивхь-усса кьинива Гьумук ва Лакрал шяраваллаву хьуну дур, чIявусса агьалий бавтIусса, миттингру. Военкоматрайн бавчуну бур хушрай аьрайн гьанну тIисса аьрзарду.

дукиялийну ва м.ц. Масала, Дагъусттаннал мюхчаншиврул фондрал дартIсса 25,7 млн. арцува 14 млн. бавтIун булуну бур лакрал. Ца-кIи-ва мисал буцирча, ЧукIуннал жамятрал дулуну дур 10 азара, Карашрал - 30 азара кьуруш. 1943ку шинал немец чапхунчитураша мурахас



Дявви байбивхьуну 4мур кьининива булуну бивкIун бур хушрай гьан ччиминнал 3340 аьрза, миннува 677 хьамитайпалул. Гьарца ярагь бугьан шайма дяввилин, ливчIми кьари-кьужа, оьрчIру кьинттуллух хьхьуния кьини дурну зий, цимурца душманная ххув шаврин кIура даян дурну дур.

ЧIявусса кулпатирттава лавгун ур цимиягу жагьил, масала Гьумучиял Кьанаевхьал кулпатрава лавгун ур 5, ТIюрттайхья 6 уссу. Минналва ссу СултIанат 1942 шинал меду-чилишалава лавгун бур Симферополлал госпитальданий зун. Укусса мисаллу цайми-гу чIявуссар.

1941ку шинал августрайн бияннинсса чIумуву Буттал кIантту буручлай бивкIун бур 1,5 азара лаккучув, дяввилул шиннардий талай бивкIун бур 7 азаруннин бивсса лак. Душмантурал цалчинсса гьужумру бацIан буллай, Брест кьала-

лийгу жанну дуллуссар лакрал вирттавал.

1942 шинал дявви гьан хьанай бивкIун бур Дагъусттаннал дазурдачIан, Лакрал райондалул ялттугума душмантурал самолетру лерхсса ишру хьуну бур.

Дачин дан багьну бур мюхчаншиврул цIакьшивуртту дуллансса давуртту Терек, Сулакь неххардил, МахIачкьалаллал, Кьаякентуллал лагмасса ва цайми аьршарай. Лакрал гьарца шяраваллал хьами-оьрчIру, бугьарасса кьужри 1942ку шинал зий бивкIун бур Кьаякентуллал, Эрпиллал, Ленинокентуллал дазурдайх мюхчаншивуртту дуллай.

ХIасил, чIявуми фронтран кумаг баврил сиптарду бачайсса бивкIун бур хьхьичIа-хьхьичI Лакрал районная. Хьуни-хьунисса кумагру бивну бур лакрал жамятирттал фронтран арцуину, кьай-кьуйлину, лахху-ликкулийну,

дурсса районнан кумагран гьан дурну дур 185 центнер кьалмул. Царагу шяраваллил агьлу кьаливчIун бур фронтран кумагран арцу-мусил задру, арцу, янна-ус кьадул-лусса. Дагъусттанная дартIуну диркIун дур цинярадагу 350 млн. арцул. МиннуцIух бивну бур танкардал дивизия, эскадрилья, «Пионер Дагестана» тIисса авиазвено, 5 бронепоезд. «Шамил» тIисса танкардал колонна дан Лакрал райондалул захIматкашнал дулуну дур 1 млн. ва 151 азара, «Лакрал колхозник» тIисса эскадрилья бан 1 млн. ва 750 азара кьуруш. Анжагь ГьунчIукьатIрал жамятрал мюхчаншиврул фронтран дулуну дур 31гр. мусил, 1650гр. арцул, 22335 кьурушрансса облигациярду, 30 азара кьуруш арцул, гьан дурну дур хьуслил 30 посылка, «Шамил» танкардал колонналун - 105 азара, займардайну - 325 азара,

Лавгунни ветеран ХIусман Кьардашов

Ххувшаврил кьинилул бухкIуллий, апрельданул 30-ний, оьрмулул 104 шинаву аьпалухьхьун лавгунни Буттал кIанттул цIанисса Хьун дяввилул ветеран, Убр-тусса ХIусман Кьардашов.

Дяввилий бивкIминнаву акьасса, ва ия жула райондалий оьрмулул яла угьарама инсан. ДукIу Ххувшаврил кьини барча дан вачIан Убрав лавгссия жула райондалул бакIчи Ю.МахIаммадов, МахIачкьалалия бивкIсса культу-ралул министр З.Буттаева-шала ва райондалул чулухаса республикалул Халкьуннал Собраниелул депутат Ж. Абуевлушала. Гьашину-гу гьанссия хIурмат бусса ветеран барча ан, Аллагьнал нясив кьабувнини. Шиная шинайн чан хьанай бур вай, хIурматран яла лайкьми.



Райондалийсса циняв инсантал, райондалул администрация, захIматрал ва сагьну ливчIми дяввилул ветерантал циняв куртIсса кьурчIишиву кIидачIлай бур ванал оьрчI-ашала, мачча-гьанминнашала, шяраваллил жамятрашала хIурмат лавайсса Хьун дяввилул ветеран ва дунияллия лагаврицIун бавхIуну.

Алжандалуван агьан нясив баннав ХIусман Кьардашов-лун Аллагьнал.

Севастополлан - 20 азара кьуруш.

Ялагу гьан дурну дур 631 кило ппалул, 169кг. яттил луттирдал, 124 ппалул гьухьа.

Карашатусса МахIаммад ва Кьукниятусса Оьмар Кьурбановхьал дулуну дур 90 азардарду, Кьубиял МахIаммад ХIасановлул - 85 азара, Щардал Мяммабуттаев Абачарал - 100 азара, Гьумучиял Уммукусун Балугьовал - 4500 кьуруш.

Ми иширттайн бивну Дяввилул мюхчаншиврул фонд-рал, хасну И.В.Сталиннул чулуха цимилгу дуркIун дур барчаллагьрал телеграммарду, чагьарду.

ЯтIул Аьралуннал Севастополь душманная мурахас бивкун, Карашрал колхозниктурал му кьала цIу бан гьан дурну дур 100 азара кьуруш.

Лакрал район шамийла лайкь хьуссар ПаччахIлугьрал Мюхчаншиврул комитетрал чулухасса ЯтIул ттугь-

лин:
-1944ку шинал декабрьданул 13ний, 1944ку шинал 9 зурул хIасиллайн бивну;

-1945ку шинал мартрал 17ний, 1944ку шинал хIасиллайн бивну;

-1945ку шинал августрал 1ний, 1945ку шинал 1мур дачIишинал хIасиллайн бивну.

1946ку шинал январьданул 13ний Лакрал райондалун буллуссар СССРданул Совнаркомрал 2 ЯтIул Ттугу, хьурунная ларьссса бакIлахьру ва ризкьилул продукция гьрза даврин бивну.

Хьундяввилува ккаккан дурсса кьучагьшиврухлу Лакрал райондалул агьалинава 159 лайкь хьуну ур орденнан. Ххюазаруннахьан дулуну дур «За доблестный труд в годы ВОВ» тIисса, 600нан - «За оборону Кавказа» тIисса медалу.

Гьарца шярава дяввилин лавгминнава бачIиннал жанну дулуну дур Ватан дуручлай.

Сталинградрачлату Познаннайн

ияннин талай ивкиссар

Обмаров Махаммад увну ур Ккурклив 1919 шинал. Ганал ппу ивкун ур уссал усттар Хусман. Цала шяраву школага бувккуну, га лавгун ур дуклан Щурагъун. Гилу техникумрал шамулчинмур курсраву дуклакисса члумал увцун ур Ятгул Аьралуннаву къуллугъ буллан.

Цал га гъан увну ур Тулалив артиллериялул училищелулу дуклан. Му къуртал байхту, гъан увну ур артиллериялул 493-мур полкиравун.

Амма, жагылсса Махаммадлул ччай бивкун бур лехлан. Ганан ччимур баклуйн бувккун бур. 1941 шинал га гъан увну ур дуклан авиациялул-техникалул училищелулу. Му училище ганал бувккуну бур 1942 шинал, фашистал Московуллачла бацан бувну, жула аьралуннай каялушиву дулалалиминнан немец бух бангу бюхъайшиву члалан бивкисса члумал.

Лавмартсса душманналив макрурду члявкисса льявкун бур. Жула аьралуннай гужсса гъужум бувну бур Харьковуллачла, хъиривгу, хъунисса гужирдашчал ххяххун бур Старинградрайн. Га чулух гужсса талатавуртту аьрщарайгу хъанай диркун дур, ссавруннавугу. Ми талатавурттаву гьуртту хъанай айивхуну ур истребительлал 862-мур полкираву



къуллугъ буллалисса Махаммад Обмаровгу.

Сталинградуллачла душмантурал аьралугу бас бувну, совет аьрал байбивхуну бур фашистал жула билаятрая буккан булла. Дяркысса кинтулгу, клиресса гьинтулгу Лаккуятусса летчик къучагъну талай ивкун ур чапхунчитурашчал. Душманнал аьралунна-

шчалсса талатавурттаву гьуртту хъанай. Гай бас бувну, махъунмай байшун булла, М.Обмаров ивну ур Польшанавусса Познань шагърулийн. Душманнашчалсса талатавурттаву ккаккан дуресса къучагъшиврухлу га лайк хъуну ур Буттал клантул цланыйсса 2-мур даражалул ордендалун ва медаллан.

Дявви къуртал шайхту, Махаммад зана хъуну ур буттал аьрщарайн 1946 шинал. Зун ивкун ур Ккурклив дявви байбишиннингу зий ивкисса даврий - колхозрал бухгалтерну. Му даву ях1-намусрай дулла, га лайк хъуну ур хлурматсса «РДлул лайк хъусса зузала» цанин ва «Хлурматрал лишан» ордендалун.

Муния махъ зий ивкун ур Лакрал райондалул хъунма инспекторну, республикалул шяраваллил хозяйстволул Министерстволул ревизорну.

Ва ия ххуйсса кулпатрал заллу. Цала хъирив къабивтунни ряхва оьрч1. Ва дяввилул ветеран шяраваллил жаматран хъама къаитантиссар.

Аь-С. Магъдиев, таварихрал элмурдал кандидат.

ГЪУМУК ВА ДАКІНИЙ

УССАР

Керимов Расул Аьлиллул арс увну ур Гьунчлукьат1ув 1921 шинал заргалнал кулпатраву. Шяраву 7 классгу бувккуну, увххун ур дуклан Мах1ачкъалаливсса медициналул техникумравун 1938 шинал.

Дявви байбишиннин техникумгу къуртал бувну, Р.Керимов зий ивкун ур К1ундив медпунктрал заведующийну.

1941 шинал га лавгун ур дяввилыйн. Талай ивкун ур Кавказнал дивизиялул 172 полкираву фельдшерну. Микку щаву дирну, хъин хъун гъан увну ур госпитальданин. Гива итаакъайхту, талай ивкун ур Сталинградул фронтрай.

Миккусса къызгынсса талатавурттаву контузия хъуну (гужну п1якь кусса затрал х1алдания гъан увну), душманначлан ясирну агъну ур. Амма Р.Керимовлуца бювхъуну бур лихъан.

Га увгъун ивкисса клану Франциянал чулух буну, ливхъсса Расул агъну ур тийхсса партизантурал къюкълувун. Миннавух, фашистурашчал талай, лайк хъуну ур Францианал бахшиширттан.

Дявви къуртал шайхту, шавай зана хъуну, зий ивкун ур цала пишалий, медициналул зузалану К1ундив.

1984-1996 шиннардий Расул Керимов зий ивкиссар Гъумук санэпидстанциялий. Га ия хъинну марц1сса, паракъатсса, дак1 хъинсса инсан. Аьпалухъхъун лавгуна Гъумуква 1996 шинал.



А.Кь-И.Аьдуллаев.

СССР-гу, Франциягу фашистурая

мурахас булла ивкима

Раджабов Мустапа увну ур Шавк1рав 1919 шинал. Шяраву 7 классгу бувккуну, га лавгун ур Ленинградуллачласса Пушкинолийсса авиациялул училищелулу дуклан 1936 шинал.

Училищелулу математикалул дарс дихълахысса Михаил Леонидовичлул х1исав хъуну ур ххуйну дуклакисса, оьруснаха къалавхъхъусса жагыл. Мунал пагъму ч1алай, му лич1и увну ур штурмантурал отделениелулу дуклан. К1ира шинава училище къуртал байхту, гъан увну ур архну леххайсса хъуну самолетру, бомбардировщикру дусса кланайн. Дуклакиссаксса, га леххайсса ивкун ур анжагъ У-2 самолетирттай.

1939 шинал М.Раджабов усса авиаполк гъан бувну бур финнашал талан, гьуртту хъуну бур Маннергеймлул шуттайсса талатавурттаву.

Буттал клантул цланисса Хъун дявви байбишайхту, Мустапа гъан увну ур Ленинградул фронтрайн. Микку лехлай ивкун ур Пе-2 т1исса хъуну самолетирттай, бомбарду бичлай, душманнал истребительлашгалу талай. Дуклакисса члумал экскурсиярдай занай, цанма ххира хъусса, «Питер» ххас-



сал булла, га ивкун ур Гатчиналул бавцлусса душманнал ттупру ва танкарду дусса поездирттайн бомбарду бичин лехлай. Амма, душманнал истребительлал битлай, ца къини гайннал бомбардировщик ккут1ари дурну, цинянайн шавурду дирну дур. М.Раджабовлуца бювхъун бур шантуршраксса ккуллардал ккут1ру хъусса самолет махъуннай диян дурну, шядитан. Му члумал га лайк хъуну ур ордендалун.

Муния махъгу ганайн цайми шавурдугу дирну, цайми

орденнангу лайк хъуну ур. 1944 шинал февральданий т1урча, бомбарду бичин гъан увсса ганал самолет душманнал дуртун дур.

Парашотрай арх акъащав ивсса га ккаччаллал фашистурал увгъуну ур шамулчинмур къини. Иян увну ур Франциянавусса лагерьдайн.

Ца шин лагерьдайн къаларгун, М.Раджабовлуца бювхъуну бур лихъан. Миннан лихъан кумаг бувну бур французнал партизантурал.

Леклеркуллал каялушиврийсса аьралуннашчал арх1ал Парижрайн дурххун дур Мустапа усса партизантурал къюкьагу. Тийх талай ивкисса мунал паччах1лугърал бахшиш тапшур дурну дирк1ун дур Шарль де Гольлул.

Американал аьралуннал тархъан дуресса аьрщарай ливч1сса М.Раджабов, Ххувшаву ласайхту, анаварну Ватандалийн зана хъун ччай ивкун ур. Амма американал аьралуннал, французнал ордендалун лайк хъусса му цац1ава ацан ан ччай, мунахъ т1ий бивкун бур: «Лагерьдайн агъан ччай урав? Ясирну багъну бивк1ми Сталиннул дуснакь бай-

ссар. Сибирьнал вац1раву аьллал арахха инава?» Мустапа жаваб дулла ивкун ур: «На шавай итаакъияра. Ттул буттал улча зул алжаннуял ххуйсса буссар. 10 шин ххигу хъунни на тиккун къавивну». Ахиргу га итаавкъуну ур.

Зана ик1айхту, га 10 шинайсса Ураллайн гъан увну ур. Ххюра шин тийхгу дурну, 1953 шинал амнистиялийн агъну, Дагъусттаннайн зана ивкун, буттал шяравун увк1ун ур. Шанма гъантта шайхту, Мах1ачкъалалив аэропортрайн лавгун ур, даврийн уххан. Гайнналгу Гъумукун гъан увну ур авиалиния т1ит1ин.

Автобусирттай заназисса инсантал самолетрай леххан къабук1лай, Мустапа Х1ажинал арснал багъну бур, автобусрач1ан уклай, мазкъаз бихълай, автобусрайн билетру къабиривну ливч1ми самолетрайн клунк1у буллан. Мукун, чан-чанну т1ий, Гъумучату Мах1ачкъалалив самолет лехлахи дурну дур. Газ-51 машиналий пассажир самолетрач1ан биян булла ивкун ур Чанк1лахъал (Аьвдулхаликьов) Х1ажин (ганайн «Находу» т1исса ц1а дирзун дирк1ун дур).

48 шинал оьрмулулу Мустапа Раджабов дуняллия лавгун ур, дяввилый диресса шавурдал чурх х1ура буккан бувну, цахава лавхъхъусса шама арсгу къабивтун.

**«Безопасное колесо - 2018»
Ххуллурдай апат1ру къашаву мурадрай.**

Уттигъанну райондалул школарттал дуклаки оьрч1ал командарттал дянив хъуссия «Безопасное колесо - 2018» т1исса ц1анилусса, ххуллурдай трансплрттрая апат1ру шаврия буруччаврин х1адур хъанакъисса профилактикалул даву.

Ва ишираву яла х1адур хъумурну, за клулмурну жюрилул ч1алан дирк1унни Ккуркуллал дянивмур даражалул школалул команда.

Му команда апрельданул 23ний ларгессия зоналул даражалыйсса конкурсрай гьуртту хъун.

Миккугу Ккуркуллал СОШрал командалул, 13 райондалул школарттал командарттал дянив бувгъунни 2мур клану (школалул директор К.Гъужиев), лакъ хъунни хасъсса бахшиширттан. Ва жула райондалул, школарттал дуклаки оьрч1ал за клулшиву ч1алач1и буллалисса ккаккьяри. Шихунмайгу т1айлабац1у баннав хъиннува лавайсса даражалыйн биян.

(Жул корр.)

Кӱлшивуртту инсанавусса ххазинар

Ва кӱни Хӱнclubраву най дия мийжаннугусса кӱлшивурттал байран. «Кӱлшивурттал, дуккавил мурхьирал мархри куртиссар, мунил ахӱлсеагу хӱнну нацуссар», - тӱсса аькылна-нал махӱру тасттикь буллалисса шадлугӱгу сий дуну, вичӱидихӱлтран асар биянну ларгунни.



Хӱнclubравун апрельданул 28ний бавтӱна райадминистрациялул, идарарттал, организациярдал цаппара зузалт, школарттал директортурашалсса делегациярду, хӱхьичӱнну дуклай, ккаккиртту хӱн дуллаи бивкӱсса учительтал, дуклаки оьрчӱру, тамашачитал. Микку 2017 шинаву ва 2018 шинал уттинисса чӱмуын бияннин учительтурал, дуклаки оьрчӱрал личӱи-личӱисса конкурсирттай, олимпиадарттай чӱалачӱи дурсса хӱхьичӱннайшивурттал жям дурну, миннал цӱарду чӱявучил хӱхьичӱ барчаллаграй кӱицӱ лаглай, миннан хӱрматрал грамотартту ва бахшишру дуллаи бия.

Райондалий дуккавил даража цанма цукун чӱалай бусарив, администрациялул дуккавил, кӱлшивуртту ласаврих цукунсса кӱулагӱс дуссарив бусласисса, ккаккиртту хӱн дуллаи зузисса учительтурахӱ, дуклаки оьрчӱлах барчаллаграй тӱлтӱисса ихтилат бунни «Лакрал район» МРданул бакӱчинал 1ма заместитель Абакар Кӱюннуевлул. Хьирив республикалий педагогтурал дянив хӱсса конкурсирттай хӱхьичӱнну бивкӱннал дуллунни хӱрматрал грамотартту, дуккавил идарарттал профсоюзрал чулухасса арцушалсса конвертру ва тӱлтӱив.

Миннавух бия: Гӱнчӱкӱатӱрал школалул 2мур класрай каялушиву дуллалисса **Кӱрбанова Бадрижат**, цилгу Республикалул «Самый классный классный» конкурсрай 3мур клану бивгӱсса; **Махӱаммадова Асли**, лакку мазрал учительтураву, лакку маз номинациялий 1мур клану бивгӱсса, Уриннал школалул лакку

мазрал учитель; **Абакарова Абризат**, «Учитель года Дагестана 2018г.» тӱисса конкурсрай хӱхьичӱн бивкӱсса Кӱндиннал школалул оьрус мазрал учитель; **Хинчалова Патимат**, «Интерактивные технологии в образовании» тӱисса республикалул конкурсрай хӱхьичӱннса клану ккаккан бивкӱсса Гӱнчӱкӱатӱрал школалул физикалул учитель; **Авлишаева Уммусалимат**, «Интерактивные технологии в образовании» тӱисса республикалул конкурсрай хӱхьичӱн ливчусса Гӱмучиял ясли-садрал методист.

«Лучший учитель...» цӱанилусса, ххуйну дарс диваврин хасӱсса республикалул конкурсрай гуртту хӱсса учительтал: **Авлибекова Муслимат**, Кӱубиял школалул оьрус мазрал учитель; **Цӱургӱулова**

Гульнара, Шавкӱуллал школалул ингилис мазрал учитель; **Гуйдалаев Абакар**, Кӱндиннал школалул биологиялул учитель; **Хӱнбуттаева Эльмира**, Гӱмучиял школалул таварихрал учитель; **Тӱагьирова Сиянат**, Гӱнчӱкӱатӱрал школалул математикалул учитель; **Лухӱев Георгий**, Хӱрхьрал школалул химиялул учитель; **Штанчаева Жавагьи**, Гӱнчӱкӱатӱрал школалул географиялул учитель; **Учуева Аксана**, Шавкӱуллал школалул байбихӱлул классирттал учитель; **Бавасулайманова Роза**, Гӱмучиял школалул лакку мазрал учитель.

Хьирив райондалул дуккавил идарартту 2017 шинаву цукун зий бивкӱсарив, цуми школартту конкурсирттай гуртту хӱссарив, цуми кӱавхӱссарив, педагогтурал,

дуклаки оьрчӱрал цуку-цукунсса ккаккиртту хӱн дурссарив бусласисса гьартасса ихтилатгу бивну, Явсупа Хӱамзаевлул Щалагу Аьрасатнал школьниктурал олимпиадалий дуклаки оьрчӱрал хӱадуршиву, талант ххуйсса душиву ккаккан бивну, республикалул школарттаву 26 клану бивгӱсса Кӱндиннал школалул, 29мур клану бивгӱсса Гӱмучиял школалул ва 30мур клану бивгӱсса Чӱарттал школалул РДлул Хӱукуматрал чулухасса дипломру буллунни.

Шиккува райондалий хӱсса личӱи-личӱисса предметирттал олимпиадарттай хӱхьичӱн ливчуминнагу дуллунни дуккавил управлениелул чулухасса хӱрматрал грамотартту.

Бахшиширттан лайкь хӱнни цинявпагу 42 дуклаки

оьрчӱ.

Райондалий хӱсса олимпиадарттай бикӱ, республикалул конкурсирттай бикӱ оьрчӱру ххуйну хӱадур бивсса, хӱхьичӱннса кланттурду лавсӱсса школартту хӱнаи бур Кӱндиннал, Гӱнчӱкӱатӱрал, Шавкӱуллал.

Муниципал олимпиадартту дуллаи бивкӱсса 20 журалул дарсирдаву Кӱндиннал школалул 13 оьрчӱрал хӱхьичӱннса кӱлшивуртту чӱалачӱи дунни. Хӱажиев Махӱаммад 3 предметрай хӱхьичӱн ливчунни (циняв дуклай бур шикку 33). Мира олимпиадарттай Гӱмучиял школалий дуклакисса Н.Хӱасановал, З.Хӱасановал, Р.Ахӱмадовал, Ф.Авлишаевал кӱи-кӱира предметрай хӱхьичӱн ливчунни.

Цӱа дансса ккаккиртту хӱн дунни мукунна Кӱндиннал школалий дуклакисса З.Кӱадировал, Х.Махӱмудовал ва Кӱубиял школалий дуклакисса М.Дусилаевал.

Барча баврил махӱругу лавхӱн, ххув хӱмминнал грамотартту тапшур дунни УОрал хӱнаманал хьиривмур Соня Макьаевал, ва шяир, педагог Даниял Магӱдиевлул.

Райондалул жамятийсса идарарттал чулуха жула райондалий дуккавил даража ххуйсса бушаврин бивну, муниха зузиминнай барчаллаграй тӱлтӱисса ихтилат бунни Мусалав Мусалаевлул. Дуклаки оьрчӱава учительтурайн барчаллаграй бан увккунни Гӱмучиял школалул 11мур классраву дуклакисса Т.Авлишаев.

Хӱнну ххуйну хӱадур дурсса концертрал программалул хӱннура ххари дайва бахшиширттай лайкь хӱминнал ва тамашачитурал дакӱру.

Шяравусса оьрму дяввилул шиннардий

1941 шинал августрай Дагусттаннай сакин дурну диркӱн дур мюхчаншиврул фонд. Мура шинал сентябрьданый Хьурувкӱуллал жамьатрал му фондравун дуллун дур 10 азараксса кьуруш арцуйну ва 17 азара кьурушрансса паччахӱлугьрал займрал облигациярду.

Ми дакъасса, ялагу дуллун дур 1800 кьурушрансса кьимат ларайсса затру. Му ишираву хӱхьичӱа-хӱхьичӱ гуртту хӱну бур Горькийл цӱанийсса колхозрал колхозниктал Сапарбаг Кьандаалаев, Шуаьнат Гьазиева, Аминат Шалласуева, Асват Жандарова, Патимат Кьютиева, Аьшат Оьмарова, Хаджит Аьвдулкаримова, Хӱрулин Кьурбанова, Аьли Аьвдуллаев, Аьвдурахӱм Хӱажиев, Махӱаммад Исаев ва м.ц.

Га шинал августрал 12ний бивкӱсса «Цӱусса ххуллу» кказитрай чивчуну бур: «Хьурувкӱуллал колхозниктал чялишну гуртту хӱнаи бур мюхчаншиврул фонд сакин давриву. Мисалдаран, Жабраил Кьютиевлул дирчунни мунивун 1000 кьуруш,

буллунни ца ку. Мунал кулпат Патиматул буллунни мусийл кӱисса. Качар Кьандаалаев буллунни мукунна мусийл кӱисса, Патимат Амировал - мусийл ссинжир, Исмаил Аьлиевлул - ца ку, Расул Махӱаммадовлул - 600 кьурушрансса займрал облигациярду ва ца ку, мунал кулпат Хаджитлул - мусийл кӱисса, Асият Исаевал - мусийл кӱисса ва займрал облигациярду, Батӱа Щайхьялиевал - мусийл кӱисса ва займрал облигациярду.

Ва ишираву гуртту хӱнаи бур Хьурувкӱуллал цайми колхозникталгу».

Дявви наниссаксса, Хьурувкӱуллал инсантурал мюхчаншиврул фондравун дуллун дур 21 азара кьуруш арцуйну, 27 азара кьурушрансса займ-

рал облигациярду, 3400 кьурушрансса кьимат лавайсса личӱи-личӱисса затру, 3,7 центнер кьалмул, 2,8 центнер дикӱул, 67кг. нагьлил, 93кг. ппалул, чӱявусса кккунуку ва гьили янна.

Яла зун бюхьайми арамата дяввилийн лавгун бунугу, колхозниктал, хӱнмасса захӱмат бихьлай, зий бивкӱн бур хьуруннай ва фермардай. Мисалдаран, Патимат Кьютиевал каялушиву дуллалисса хьузартрал бригадалул 1941-1943 шиннардий дучӱан дайсса диркӱн дур хьуруннал гьарца гектардания 22 центнер кьалмул. Мукунна захӱматрахлу 1944 шинал муни дуллун дур «ДАССРданул лайкь хьусса хьузала» тӱисса цӱа. Му цӱа дуллалисса райондалул партактиврай ганил увкуну бур: «Ва бахшиш ца ттул дакъарча, жул хьунил бригадалувусса гьарцанналгури». Гаништал бригадалува зий бивкӱн бур Шамай Аьвдул-



каримова, Шуаьнат Гьазиева, Аьли Аьвдуллаев, Аьвдурахӱм Хӱажиев, Аьвдуллагь Аьвдуллаев, Хӱапизат Биргузова, Салихӱат Ибрагьимова ва м.ц.

Гай захӱматсса шиннардий шяравусса инсантал ккашил хӱнаи, захӱматсса давурттал хӱра буккан буллаи, кьашавай хӱнаи бивкӱн бур. Ца дугьарасса, мизитрал чӱарав яхьанахьисса шарсса (ганил ца акьа акьасса ар дяввилий 1943 шинал ивкӱну ия, мачча-гьанмигу Дянивмур Азиянаву яхьанай бия) ккашил диркӱну, мукьулчинмур кьини ляркьуну дия шарда. Чӱарав шинал кружкагу, ца-кӱива шагьнал лачӱ-

ал ккукугу бия. Кьатлува дукансса ххишала цичӱлар дакъая. Шяраву циняв кашилну бушиву кӱлулу, га щичӱанчӱав ларгун дакъая. Шяраву миннал га дурччуна...

Гай шиннардий чӱявуминнал дукаймур дия - дукайсса урттурду. Ми гьинтул дакъасса, кьакьан дурну, кӱинтулнингу дишайва. Дяввилийн лавгминнал кулпатирттан, Гӱмукун лавгун, паек булайва. Миннуву дикӱайва консерварду дурсса затру, повидло, цӱил шинавусса селедка, цайми затру ва ччатӱул карточкарду.

Гь.Ж.Кьютиев,
ш.Хьурувкӱул
(ш.Изберг).

Зума дугъай барз

Рамазан

Щала шинай бусурмантуран яла бусравмур, х1урмат бумур барз - Рамазан барзри. Мух1аммад идавсил(с.аь.вс.) куну бур, му барз байбишайхту, Алжаннул хьулурду т1ит1айссар, Дужагьралсса лакъайссар, мусулмантуран заралмур къабулланшиврул, ми Х1акъсса Ххуллия баччан къабулланшиврул, щайт1антругу бах1айссар, куну. Инсантуран к1улссания Рамазан зурул циняр ххуйшивуртту, миннан му барз абадул абадлийгу бухкъалавгун ччант1иссия, куну бур.



Рамазан зуруй тавба дурминнал бунагьру х1алал битансса, цинцилтай миннал дурмунил хьинбалардал чул к1у хьунсса хьул цимилагу ххи шайссар. Мунияту, ва барз буч1айхту, аьркинссар гьар-

маминнан, ч1аравминнан кумагру буллан, ми ххари буллан, къабуну ливч1сса чакру буллан, Кьуран ккалан, дуьартту дуллан, исламрал элмурду лахьлан, садакьарду буллан, суннат чакру буллан ва

м.ц.). Оьккимур, къадагъа дирхьумур т1урча бюхъайссаксса чан дан, миннуя урувчуну ик1ан аьркинссар. Цанчирча, хьинбалардахсса бахшишругу, оьбалардахсса таммих1ругу Рамазан зуруй хьинну ч1яву байссар.

Ва зуруй зума дугъаву - Му Аллагьнал жунна пишкаш дурсса хьуннасса бахшишри. Идавсил (с.аь.вс.) укусса куцуй, Аллагь-Тааьланал цала лагьтуран хьинбаларду ац1лину, х1атта 700-лину ва ххишаланугу лахъайсса бур. «Зума дугъайсса ттул ц1анийри, - куну бур Аллагьнал, - мунихлу бахшишгу Наридулайсса». Рамазан зуруй зума дугъаву - исламрал цаттарцири, яни - мусулманчувнал буржри, мунай Аллагьнал бивхьусса. Ва зуруй Аллагьнал цайва ялув бивхьусса бурж биттур къабувсса мусулмантуран К1анал къанкъасса таммих1гу байссар. А бурж биттур бувминнан т1урча хьуннасса бахшишру ликкан дайссар.

Багъайсса куцуй зума дур-

гьусса мусулманчувнал чурхгу марц1 буккайссар, му рувх1анийнугу марц1 шайссар. Увчуну оьрму бутлатиманан к1ул шайссар ккашилманал тагьар цукунсса дик1айссарив, мунал бувч1айссар Аллагьнал рах1му цирив, К1анал му рах1му цала лагьтурайн цукун ликкан байссарив.

К1улну бик1и, зума дугъаву - му ца дукра къадукаву, х1ачлия къах1ач1аву бакьарча, мазрал, яруннал, чурххал базурдал бунагьирттаягу уручавури. Щиятуч1ав оьккимур учин, цукунч1авсса ххуй дакъасса даву дан ва зуруй къабуч1иссар, хьинмур, ххуймур т1урча бюхъайссаксса ч1ярусса дан х1арачат бан аьркинссар.

Чарабакъа зума дугъан ва зуруй ялув бивхьун бур багуьравун увхсса, аькьлу-к1улшиллу шаллуса, чурххал ц1уллусса, зума дугъан бюхлахьисса мусулманчувнай. Х1арачат бувара Аллагьнал зуйва ялув бивхьусса бурж дак1нихтуну лавхьун, К1анал бахшиширттан лайкъ хьун!

Антитеррор

Аьрххи - Ккуркклив, АТКлул бат1аву

2018 шинал «Лакрал район» МРданул террор-экстремизмалин къаршисса пландалин бувну, ва базилахьсса АТКлул (террорданин къаршисса комиссиялул) бат1аву хьунни Ккурккуллал школалей.

Хьунклассравун бавт1унни Ккурккуллал школул учительтал, шяраваллил культуралул идарарттал зузалт, жамьатрал вакилтал.

Гьуртту хьунни «Лакрал район» МРдануч1асса АТКлул секретарь Амсар Къажлаев, террорданин къаршисса комиссиялул апаратрал начальник Мах1аммад Гадаев, дуккавилл управлениелул юрист Ах1мад Михит1аев, «ЦТКНР»данул каялувчи Лида Кьурбанова, жагьилтурал, спортрал, туризмалул иширтталсса буллаллисса отделданул начальник Малик Х1усманов, «Хяххабургиьл» хьунама редактор Мусалав Мусалаев, Ккурккуллал шяраваллил администрациялул бак1чи Сабир Буттаев, Хьунайнал шяраваллил администрациялул бак1чи Ах1мад Цаххаев, Виц1хьиял участкалийсса полициялул уполномоченный, Ккурккуллал школул директор Кьурван Гьужиев.

АТКлул бат1аву дачин дурсса А.Къажлаевлул бавт1ицири к1ул бунни кьинилул масъаларташчал. Кут1ану бувсунни террор-экстремизмалуц1ун бавх1уну дунияллий хьанахьисса цаппара иширттая, цуксса агьамсарив вай балардашчал тала-

тавинсса давуртту, цуми бигардан хасьсса къулагьас дан аьркинссарив ва м.ц.

Дуккавилл идарарттал террор-экстремизмалин къаршину школарттай, дуклаки оьрч1ашал 2017 шинаву ва 2018 шинал 1мур кварталданий дурсса давурттая бусласисса бия Ах1мад Михит1аевлул ихтилат.

Мува куцуй, вара ч1умуву террорданин къаршину культуралул идарарттал дуллаи бивк1сса давурттая бувсунни Лида Кьурбановал.

Спортрал, жагьилтурашчал дуллаллисса гьарца давуртту террор-экстремизмалин къаршину шайшиву бувч1ин бун-

ни Малик Х1усмановлул, ми циксса, ци даражалей, та хьуссаривгу бувсун.

Мах1аммад Гадаевлул цала ихтилатраву ч1урч1ав дунни АТКлул х1адур дурсса пландалин бувсса х1укмурду биттур баврил чулухуннай. К1иц1 бунни итадакълакьисса диялдакъашивурттаягу,

лялич1инура лич1лулшиву, ялув бац1аву, террор-экстремизмалул баларду хьун къабитан гьарца каялувчи буржлул уллаллишиву к1иц1 бунни.

Хьирив цала биьларалусса администрациярдай террор-экстремизмалин къаршину дуллаллисса давурттая бувсунни Ккурккуллал ва Хьу-



план биттур давриву цуми идарартту цукун гьуртту хьанай буссарив.

Майрал празникирттай

найнал шараваллил администрациярдал бак1читурал. Вайннуя чичинну кказитрал хьиривми номердай.

Баян бавуртту

Дахлай бур Гьумучиял кьурувсса, дуллаи дайдирхьусса къатрашлсса, щин дурцусса 800 кв. метра лагрулул дусса аьршарал участок.

Буч1ину бур шагьрулийсса аьршарах ягу къатлух даххана дан, багьлул тапаватшиврул х1акьи-х1исавгу дурну. Ц1уххин бюхъайссар телефоннал вай номердай:

8 928 046 54 16, 8 963 407 28 46.

Дахлай буру Гьумук паркирал мах1лалийсса, к1ира зивулийсса, гьарца шарт1урдил шаллусса, ахьулссаннул мурхьирдашлсса багьгу бусса, ц1усса къатри, вивсса къайкьуйлушчал. Багьлул бакьинну. Оьвчин бюхъайссар ва номерданий: **8 928 048 66 75.**

Учредитель:
Администрация
МР «Лакский
район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М.-Р. Абакаров

Адрес редакции, издателя:
368360
Республика Дагестан
Лакский район
с. Кумух
Ул. Сурхайхана -1, 96

Газета набрана
и сверстана на компью-
терной базе редакции
газеты «Заря» и
отпеча-
тана в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 752 экз.
Цена свободная.

Газета зарегистрирована
Управлением
Федеральной службы по
надзору в сфере связи,
информационных
технологий и массовых
коммуникаций по
Республике Дагестан
от 22 августа 2017 г.

Регистрационный
ПН № ТУ05-00385

Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

